



TE PĀPĀHO REO MĀORI

PAEREWA 26257 (Taura 2)

Te whakaatu me te whakamārama i ngā hinonga me ngā rōpū whakaputa o te hunga
whaipānga ki te pāpāho reo Māori

(Kaupae 4, Whiwhinga 10)

PUKAPUKA ĀKONGA



INGOA

WĀNANGA/KURA

KAIAROMĀTAI/KAIAKO

TAU ĀKONGA NSN

Tēnā koe

Anei tō pukapuka aromatawai mō te paerewa **26257 Pāpāho Reo Māori: Te whakaatu me te whakamārama i ngā hinonga me ngā rōpū whakaputa o te hunga whaipānga ki te pāpāho reo Māori.**

Te paerau aromatawai

E RUA (2) ngā tūmahi aromatawai mō te paerewa nei hei whakaoti i a koe.

E TORU (3) ngā taumahi mō te Tūmahi Aromatawai 1, ā, e RUA (2) ngā taumahi mō te Tūmahi Aromatawai 2.

Ngā tohutohu

Ko āu mahi mō te paerewa nei:

- He āta mātakitaki, whakarongo hoki ki te kaiaromātai/kaiako, ā, kia kaha ki te kapo kōrero, ki te whakaahua, ki te tā pikitia rānei.

Me hāngai tika ngā kōrero katoa ki te kaupapa.

Ngā ture

- Me whakaoti tika i ngā tūmahi katoa kia whai whiwhinga mō te paerewa nei.
- Mā kōrua ko tō kaiaromātai/kaiako e whakatau i te tukanga whakaatu, i ngā rauemi hoki ka whakamahia (te rorohiko, te kāmera, te aha atu, te aha atu).
- Me whakaoti tūmahi i roto i ngā hāora o te akomanga engari kei a koe te tikanga mō te roanga o te rangahau kōrero, o te wānanga kaupapa rānei.
- Mā tō kaiaromātai/kaiako e kōrero mō ngā tukanga aromatawai, ngā tukanga mātairua rānei.
- Mā tō kaiaromātai/kaiako anō e whakarite āheinga pea ki te ipurangi, ki te wharepukapuka, ki te marae, ki ngā whare taonga rānei.
- E taea ai te mahi takirua engari ka aromatawai tonu i āu ake mahi.

Ngā rauemi

- Pouako handouts, camera for photographs, folders etc to keep information in.

Authenticity

E ai ki ngā ture o NZQA:

- Nāu anō ngā mahi katoa i whakarite hei aromatawai
- Mā te kaiaromātai/kaiako e whai whakaaro (e whakatau) mēnā he mahi kua tāruatia, kua kapea rānei i tētahi atu ākonga, i tētahi pukapuka, i te ipurangi, i te aha atu, i te aha atu.

E taea e koe te ako ngātahi, te mahi ngātahi rānei i ētahi atu tangata hei kohikohi kōrero i ngā puna tautoko huhua. Heoi anō, me mātua mōhio nei te kaiaromātai/kaiako nāu anō nga mahi i whakarite, i whakatakoto. Hei akiaki tonu i te hāponotanga o āu mahi katoa me whakamahi anō koe i āu ake kupu, ā, me noho mai he āpiti tohutoro i āu puna tautoko.

Me he pātai, he āwangawanga anō ōu, kōrero ki tō kaiako.

Pēhia te paehono nei mō ngā tānga kōrero me ngā whakamārama:

<https://www.nzqa.govt.nz/providers-partners/assessment-and-moderation-of-standards/assessment-of-standards/generic-resources/authenticity/>

KO TĀ TE ĀKONGA PEPA AROMATAWAI

INGOA

NSN #

Putanga 1 **Te whakaatu hinonga o te hunga whaipānga ki te pāpāho reo Māori.**

Te tirohanga: Me whai taunaki o ngā hinonga pāpāho reo Māori e rua. Me mātua kōrero mō te reo irirangi Māori me tētahi atu hinonga pēnei i te pouaka whakaata, te kiriata, te mātātuhi, te ipurangi rānei.

Tūmahi Aromatawai 1

Hei mahi 1

Kōwhiria e RUA (2) ngā hinonga pai hei tauira whakawhanake hinonga pāpāho mō te hapū, te iwi, te hapori rānei.

KOTAHI te hinonga reo irirangi me TĒTAHI atu hinonga pēnei i **te pouaka whakaata, te kiriata, te nūpepa, te ipurangi rānei.**

ME WHAKAMŌHIO atu ngā hinonga ki tō kaiaromātai/kaiako i te tuatahi, me kore noa e tūpono he kōrero hei rangahau hei whakaatu hoki kia tutuki pai ai te paerewa nei.

Te reo irirangi – Te Mangai Pāho, Te Whakaruruhau o Ngā Reo Irirangi Māori o Aotearoa, Te Puni Kōkiri, Te Manatū Ōhanga, Te Manatū Taonga, Te Minita Pāpāho, Ngā Rōpū Reihana, Te Mana Whanonga Kaipāho, Ngā Poari Reo Irirangi, Te Irirangi ā-Motu; ngā rōpū whakatairanga.

Te pouaka whakaata / Te kiriata – Ngā Aho Whakaari, Ngā Tumu Whakaputa me Ngā Kaitohutohu, Te Rōpū SPADA (Ngā Kaituhi, Tumu Whakaputa, Kaitohutohu), Te Māngai Pāho, Te Puni Kōkiri, Te Manatū Ōhanga, Te Manatū Taonga, Te Minita Pāpāho, Te Pūtahi Pāho me te Karauna (ngā rōpū reihana), Te Mana Whanonga Kaipāho, Te Reo Tātaki, Te Irirangi ā-Motu, ngā rōpū whakatairanga;

Te mātātuhi – Te Mana Whakatairanga o Aotearoa, Te Kaunihera Mātātuhi o Aotearoa, Te Taura Whiri i te Reo, Te Mana Whanonga Kaipāho (BSA), Te Manatū Taonga, Te Pou Taki Kōrero, Te Kamupene Mātātuhi o Huia.

Te ipurangi – Te rōpū whakawhiti kōrero o Tuaropaki, GisNet, Vodafone, 2Degrees, Telecom.

Hei mahi 2

Whakaatuhia mai ngā hinonga pāpāho reo Māori e ai ki te mahi, ki ngā rātonga, ki ngā takohanga hoki.

Rangahaua kōrero e ai ki te hinonga, ā, kohingia ngā tauira ā-tuhi, ā-kānohi, ā-taringa rānei e whakamārama ana i te whakapapa, te kitenga, te take, te hanganga, te mana whakahaere, te rautaki, te rautaki kōrero rānei hei tautoko anō ai i ngā āhuatanga e whai nei:

NGĀ MAHI (me whai taunaki e toru o te rārangi ki raro)

- Te pūtake.
- Te whakamahinga o te reo Māori.
- Ngā kawenga mahi.
- Ngā whanaungatanga.

NGĀ TAKOHANGA (me whai taunaki e whā o te rārangi ki raro)

- Te hunga mātakitaki, whakarongo.
- Te horanga.
- Te whakamahinga o te reo Māori.
- Te pūtea.
- Te arumoni
- Te arumoni-kore
- Te rangatōpū

NGĀ KAIWHAKAWHIWHI RATONGA HANGARAU (me whai taunaki kotahi noa)

Hei mahi 3

Whakaritea mai ēnei kōrero rangahau hei whakaaturanga toirau e taea ai te whakaatu ki tō hapū, ki tō iwi rānei.

Me whakaharatau i te whakaaturanga ki tētahi hoa kia whai kōrero āwhina kātahi ka whakaatu ki te akomanga katoa.

Putanga 2**Te whakaatu rōpū whakaputa o te hunga whaipānga ki te pāpāho reo Māori.**

Te tirohanga: Me whai taunaki o ngā rōpū whakaputa pāpāho reo Māori e rua mō te tukanga pāpāho kotahi.

Tūmahi aromatawai 2**Hei mahi 1**

Kōwhiria e RUA (2) ngā rōpū whakaputa o te tukanga pāpāho reo Māori kotahi hei tauira whakawhanake pāpāho mō te hapū, te iwi, te hapori rānei.

ME WHAKAMŌHIO atu ngā rōpū whakaputa ki tō kaiaromātai/kaiako, me kore noa e tūpono he kōrero rangahau he kōrero whakaatu kia tutuki pai ai te paerewa nei.

Ko ngā kamupene me ngā rōpū tumu whakaputa motuhake ētahi tauira o te whakarite hōtaka, mātātuhi rānei i te reo Māori:

- ngā reo irirangi Māori
- te pouaka whakaata Māori
- te pou taki kōrero Māori.

Hei mahi 2

Whakaatuhia mai ngā rōpū whakaputa pāpāho reo Māori e ai ki te mahi, ki ngā papa whakawhitiwhiti, ki ngā kaiwhakawhiwhi ratonga hangarau hoki. Rangahaua kōrero mā te uiui, te kōhi tuhinga, te kōhi kōrero ā-waha, ā-taringa rānei hei whakaaturanga toirau.

NGĀ MAHI (whakamahia ngā āhuatanga katoa e rārangihia ana ki raro)

- Te hanga hōtaka.
- Te whakamahinga o te reo Māori
- Ngā kaiwhakawhiwhi rātonga.
- Ngā whanaungatanga

TNGĀ PAPA WHAKAWHITI

- Te wā-ringa.
- Te matihiko (ā-nuku, ā-rangi hoki).
- Te ipurangi.
- Te pāhekoheko.

NGĀ KAIWHAKAWHIWHI RĀTONGA HANGARAU (Me whai taunaki kotahi noa)

Kia kaha kia manawanui.

He pitopito kōrero: